

Inuussutissarsiornermut, Suliffeqarnermut, Niuernermit Nukissiuteqarnermullu Naalakkersuisoqarfik
Aatsitassanut aqutsisoqarfik
Postboks 930
3900 Nuuk

Mailikkut nassiussaq uunga: misa@nanoq.gl; isiin@nanoq.gl; eamra@nanoq.gl

Nuuk, ulloq 19. maj 2017.

Pituffimmi titaniummisorfissap inuiaqatigiinnut avatangiisinullu sunniutissaanik nassuiaammi suliassat pillugit tusarniaaqaarnermut akissut.

Inuussutissarsiornermut, Suliffeqarnermut, Niuernermit Nukissiuteqarnermullu Naalakkersuisoqarfik 14. april 2017 qarasaasiakkut allagaqarluni Pituffimmi titaniummisorfissap inuiaqatigiinnut avatangiisinullu sunniutissaanik nassuiaasiornermi suliassat pillugit aallarniummik tusarniaassuteqarpoq.

Timmiaq aallarniutigalugu erseqqissaaniarpoq piffimmi pineqartumi timmissat pillugit ilisimasavut killeqarmata, taamaamat Timmiamiit pingartinneqarpoq aatsitassarsiorfissami suliassat sukumiilluinnartumik misissuiffigineqarlutillu nassuiaasiorneqassasut taamaalilluni timmissanut ingerlaartunut, piaqtiortunut immaqalu neriniartunut sunniutissai tamakkiisumik sukumiisumillu allaaserineqarsinnaaqullugit, taamaalillunilu timmiaqarfinnut sunniutit pitsaanngitsut ilisimaaralugu illuanillu siuernerineqanngitsumik pisussat pinngitsoortinneqarniassammata.

Tusarniaanermi paasissutissat ilanngunneqartut tunngavigalugit Timmiaq makkuninnga oqaaseqaatissaqarpoq:

Nunat tamalaat avatangiisinut malittarisassiaat Sikuijuitsumi kujallermit atuuttut aamma Kalaallit Nunaanni Atlantikullu avannaani atuuttariaqarput Sikuijuitsumi kujallermit uumassusileqarfiit uumasullu atugaat issittumiittunut assingulluinnarmata, imaluunniit assigimmatigit. Silap taamaassusia pissutigalugu uumasut, aamma timmissat, assorsuaq nerisariaqartarput kigaatsuinnarmillu alliertortarlutik, tamannalu pissutigalugu uumasut toqunartunik saffiugassanillu oqimaatsunik timiminni eqiterinissaat ilimanaateqarluartarpoq.

Pujoralatsitsinerup imaluunniit aatsitassarsiorfimmiit siuernerineqanngitsumik allatigit piffissami sivikitsumi sivisunerusumiluunniit mingutsitsinerup aatsitassarsiorfiup eqqaani aammalu tamatuma eqqaani issittup nunataani imartaanilu, kangerlunni ikerasannilu naasut uumasullu avatangiisaannut ajoqutaasussaanninnera Timmiamiit nalornissutigineqarpoq. Taamaamat mianersuussinissaq pillugu Timmiamiit kaammattuutigineqassaaq aatsitassarsiornermiit qanorluunniit ittumik mingutsitsisoqarnissaa pinaveersaarniarlugu aatsitassarsiorfimmi avatangiisitigit piumasaaqatit assut sukangasut piumasaaqatigineqassasut.

Timmiamiit kissaatigineqarpoq umiarsuit sulluunniit issittumi angalasut sikunut qajannaallisarsimanissaannik minnerpaamillu qaleriinnik ameqarnissaannik piumasaaqateqarnikkut

uuliamik allanillu mingutsitsisoqarnissaa pitsaaliorneqassasoq. Aamma annertuumik maqisoortoqassagaluarp at annertuumilluunniit ajutoortoqassagaluarp at annertuumik upalungaarsimasoqarnissaa kissaatigineqarpoq.

Tankit pertujaallisaatit imaarneqartarnerata ajornartorsiutaasarnera Timmiamiit tikkuarneqassaaq naatsorsuutigisariaqarmammi assartuutit akuiagassanik aallersartut imermik pertujaallisaammik uummassusileqarfinniit allaneersumik nassataqartassasut. Taamaattoqassagaluarp at Kalaallit Nunaata imartaani uumasunik allaneersunik inangiisunik takkuttoqarsinnaanera assut aarlerinartoqassaaq. Taamaamm at mianersornissamit isigalugu imermik pertujaallisaammik maqitsisarnissaa akuerineqassagaluarp at akisussaassuseqanngitsuliornersuaaq. Pajuttaatini akuiagassanillu assartuutini amerlasuuni orsussamik kinertumik mingunnartumik atuisoqartannginnissaanik piunasaqaateqartoqarnissaa Timmiamiit kaammattuutigineqassaaq. Uuliamik kinertumik ikuallaaneq toqunartuliorfiusaqaaq, aammalu tamatuminnga Issittumi mingutsitsinerup qanoq kinguneqarnissaa ilimaneqanngilaq.

Orsussamik kininnginnerusumik mingunnanginnerusumillu ingerlateqarnissaaq teknikkikkut ajornanngimmat mianersornissaaq pillugu Naalakkersuisuniit piunasaqartariaqarpoq issittumi angalasut tamarmik orsussamik kinertuunngitsumik atuisassasut. Aamma naalakkersuisut sulissutigisariaqarpaat nunat sanilerisavut suleqatigalugit issittumi angalanermi orsussamik mingutsitsinnginnerpaamik atuisoqartarnissaa piunasaqaatigineqassasoq.

Aammattaq paasissutissat tusarniaassummut ilanngunneqartut pingaartumik tamaani timmissanut tungassuteqartut aallaavigalugit Timmiamiit makku oqaatigineqassapput:

- Imeq aserorterinerne atorneqartoq imertut avatangiisiniittut kissassuseqassaaq aammalu saffiugassanik oqimaatsunik, toqunartunik allanilluunniit naasunut uumasunullu timmissat nerisartagaannut akornutaasinnaasunik akoqassanani.
- Aatsitassarsiorneq naasunut uumasunullu qanoq sunniuteqarnersoq misissorneqassaaq aammalu aatsitassarsiorneq pereerpat paaakkat taakkulu taartaat issittup timmiaanut tamaani najugaqartunut aqqusaartartunulluunniit sunniuteqarnerisut misissorneqassalluni.
- Imartani aatsitassarsiorfiup eqqaaniittuni kiisalu kangerlunni ikerasannilu aatsitassarsiorfiup qanitaaniittuni naasut imap ikeraniittut, uillu aalisakkallu timmissanit inuussutigineqartut aatsitassarsiorfimmiit sinnikut siunertarineqartut siunertarineqanngittulluunniit aniatinneqartunit sunnerneqassanersut misissorneqassaaq. Tassunga ilanngullugu misissorneqartariaqarpoq nerisareqatigiiaani saffiugassat oqimaatsut toqunartullu allat katersuutilersinnaanersut.
- Ingerlatseqatigiiffiup Kalaallit Nunaanni taassumalu imartaani avatangiisunik innarliissagaluaruni salisussaataitanera aningaasatigullu matussusiinissamut pisussaaffeqarnera qularnaarneqassaaq. Tassunga ilaapput avatangiisunik innarliinerit ingerlatseqatigiiffiup, taassuma sulisitaasa kiisalu umiarsuit suliasitat piliaat.
- Umiarsuit unnuakkut angalatillutik timmissanit aporarfissaajunnaartinneqassapput kiisalu qullersuaqarluni unnuakkut sulinerni aporartoqartannginnissaa qularnaarneqassalluni.

Inussiarnersumik inuulluaqqusillunga

Hasse Hedemand